

穉石齋詩集

卷四十二至卷四十九

稗石齋詩集卷第四十二

秀水 錢 載 坤一

平陽

馬頭今日是清明蝴蝶團飛早向城稽古帝堯勲獨至惟天
爲大又何名藐姑未必神人住蒼頡翻愁鳥跡生遷史紛然
如衛霍那無娘子一軍行

清明夜史村

驛騎數上聲

春節村花忘老顏汾東十三社月晦太平關紅蠟

高如許黃河近幾灣未應紛古意政不夢家山

曲沃

曲沃强于晉成師賂入周驪姬殺太子重耳得諸侯地險新

田錯

蒙坑之險天下九塞之一

山圍二水流

背汾面澮

曾無無父國乃亦見春秋

聞喜二賢詩

裴文忠公

虞官伯益後漢封菑鄉云從衣乃除邑東眷代有聞輔唐晉
公鉅平蔡元和勳非惟平蔡勳安危天下身君子本不黨嘗
敗於小人泰交勿之睽大來安得屯干木處魏邦諸侯息紛
紜汲黯在朝廷淮南寢逡巡頗牧苟不用何必非孝文公誠
出入屢四朝艱以純擅威方闔豎綠野持孤尊北門雖卧護
焉能復經綸方其請督戰誓不與賊存庶乎郭汾陽秉德維
忠勤

趙忠簡公

天心莫可憑運屯亦登賢用之輒不竟虛生有煩冤維時渡
江初頗嘗用其言肅宗得李勉實見朝廷尊紹述祖安石釀

成今日患首罷安石配吾道乃大存經營始西蜀關中圖本
根荆襄可進取行闕宜公安雖知用卿力卹弗終君恩救浚
再忤檜一出膺多艱餘生白首遠九死丹心陳山河壯其氣
箕尾歸于天裴鄉接趙里樹接仍枝連春風兩家樹春樹一
墟烟故知裴趙先皆出伯益孫羸秦與趙宋功烈猶同原

僕馬

僕馬復僕馬我心聊自閒行來絳縣水望見中條山喔喔雞
聲午垂垂柳色寒近城忽簫鼓賽社未曾還

上巳樊橋驛有懷朱學使筠閣中

麥苗菜花雜黃隴綠畦繁上巳日催騎中條山映村伊州麾
短拍汾水謝深尊禊事城南侶遙應品壑源

將渡河入關承祭
西岳預日齋祓

村花

村村官柳著烟新
樹樹村花夾路春
半日中條山色裏
白頭騎馬是遊人

蒲州

縹緲薰風何處臺
汾陰后土亦荒哉
維南太華三峰倚
自北黃河九曲來
鸛雀樓高春幾劫
王官谷靜瀑如雷
蒲州合爲潼關守
犄角方成用險才

首陽山

首陽卽雷首我行自河東
相望華岳北實在河曲中
以暴不知非此都讓德崇偕
登餓其下廟火春猶紅
商郊彼鷹揚歸來跡則同
徒聞稱義士豈不慚于衷
伯清叔亦仁元祖爵以公
雷首卽中條曠然百世風

潼關

羸劉兩谷兩無何改設唐年理則那縱仗兵家籌髯難憑
關勢壓嵯峨手障全陝通西蜀目瞰中原阻大河勝敗英雄
同一險蒼蒼在德不爭多

明孫傳庭之失守
與唐哥舒翰同

華陰

入關紫氣藹高晴龍纛雙雙

御仗行

天子萬年文敬告春風三月道歡迎地祇山水由尊肇軒帝
壇場暨後賡仰覲華峰真削出崑崙初拔勢崢嶸

西岳廟登樓望岳

晨入岳廟習禮專代將牲帛惟其虔

詔修靈宮聖未旣

漢延

熹八年西嶽華山
廟碑宮曰集靈

層樓翼鳳高翔然三峰屏立照几案四方削成

凝翠烟畫圖王履不具體豈若橫放樓之前太極巍居擅白

帝五行配德開金天船司空趨玉漿落司寇冠整明星連尹
喜真符故宅守希夷石洞先生眠歐記題名凡幾百幢懸碣
仄苔花邊無輕攬結五千仞已後飛騰二十年山中人來縣
城去一日上下南峰顛

南峰最高

皇釐三多岳稽首降香詰旦昭蓀荃周槐商柏徧嘉蔭題石

何讓顏程先

廟有商柏抱周槐于腹大可三十圍其漢柏唐槐至多唐元宗碑爲黃巢焚摧巨石半截積立僅存四字之半顏真卿題名于

漢碑側宋程琳葉清臣題名八角石幢致佳

玉泉院

初日出華陰十里鋪春田峰頭瀉玉漿谷口滙碧泉墜驢人
已去睡洞泉方濺無憂七株樹手植知何年蓀亭立泉上四
株覆亭前我本無所憂坐對亭適然近泉元祐字灑墨大石
鐫東厓秦柏翠葉嫩柯交纏量之數十圍實在無憂先盤陀

設苦茗豈不如癯仙

陝西鹽運副使游師雄元祐九年正月廿二日觀太華三峰大字刻大石上

登華山至青柯坪望千尺幢

自觀王履圖五岳此粗悉清霄綠霧歛三峰純石一石縫土
積塵居然草纖苗如是七千丈四方周律翠希夷崖又蛻初
平谷旣叱垂鎖下上攀輕於船挽綽娑羅卽菩提獨立意欸
密青柯館深造十八盤險出青鐵削西峰山半衆非匹壁懸
野生桃左右矯風日孤幢儼以招雙屐不余尼悒悒玉井蓮
修莖颭芳苾

郭忠武王祠

喬林大道古城東祠屋巍然塑令公唐室山河憑再造建陵
松柏表元功門前華岳流雲碧檐北潼關返照紅太息百年
無尙父宦官藩鎮竟相終

寇忠愍公祠

功業汾陽只等閒
嗟公憂國髯雙斑
君恩鬱鬱通天帶
里社青青少華山
魏野有詩傳北使
竹林遺廟向人間
靖康若主澶淵策
何至蒙塵遂不還

華州食筍

華山百村遠敷水
一春深馬首半梨樹
州南多竹林筍香聞
驛舍茶事趣歸心
漱上讀書處蕭蕭橫
卷森

蒲城

唐之奉先縣城徙里
不更洛水左潞洄神原
右崢嶸巖巖巒擁
其後園寢唐是營盤
翥比龍鳳樓殿遺枯荆
橋陵金幟山聳
若懸旆旌德讓曰惠陵
元宗實惟兄泰陵金粟堆
初願千秋成陪葬高力士
無及一娥姪景陵春草綠
豐山朝旭明尙傳

開寶修未泐趙孚銘元和中興主所以龍章行石人整冠佩
石馬騰轡纓三朝遡哀冊頽緒楚則名睿宗哀冊文蘇頌撰元宗哀冊文王緒撰憲宗哀冊文令
撫遷迤近光陵前有重山橫寒烟五陵曳碧落羣峰撐長安
久禾黍愴嘆非周京

富平

夏后荆山鼎秦家鄭國渠迢迢遡西北曖曖入村墟麥縵中
谿澗梨香萬密疎華原來杜甫值水定何如北卽耀州工部詩我經華原來是也
川氣黃羣流會空曲度今沮漆合流大谿澗處

晚次耀州

殺翎城西日下春范公書院客相從曲池短釣萍初合新筍
空階蘚半封簷掃蜘蛛憐獨結欄扶芍藥咒遲穠待人翟道
迴鞭近破戒何妨勸玉鍾

同官

華原草相綠幽土近于東澗谷好今日盤旋娛此翁桃花初
帶雨漆樹遠含風遺烈聞姜女崩城話却同

金鎖關

銅官山夾水獨流兩成轅去金同是稱據險城惟舊曉霽風
色厲氣寒花信逗路隨崖數盤人與地俱瘦土門出以遙金
鎖扼其腠重山廻合阻神水峽奔溜壁開實峰闔拒左仍塞
右在明嘉靖年築設防套寇承平武備嚴依柳列雙堠邊塞
極榆林襟喉此鴛鴦度關山轉幽穿隘石多秀征人詫園林
造物耽架構橫斜石陂對屈曲石泉漱高凌皴法奇疊起雲
根皺臺石俯石池徑石窺石竇奈何叢石蕪上下雜花糅野
桃必長石石石爲之繡更前巖益蒼欲采萼難就甚宜適行

遊詎可煩戰鬪趨口少寬舒環岡無隙漏折北乃破礮匆匆
割華陋

宜君晚雪

曾是苻堅郡莽然環慶鄰山高行未已風急渺相親彭祖墓
雲碧玉華宮草春花時今夜雪關外白頭人

橋山篇

皇古君相皆神人神人之道無不有但施神力葬神山只在
人寰元不朽子午嶺北西山連亘千餘里延慶間華蓋峰東
下乃峽峽石如橋左右穿橋南起山名所自山體如岳純無
頑羣山雙分左右肩四周平頂圓如環重山內向石疊趾正
對玉案橫蒼灣橋山三面灣緣延重山三面灣盤旋沮水右
肩落于灣山南鈎曲東弓彎豈知早入峽橋出左抱逆會東

來湍左肩落水再東抱合流入洛廻長川橋山無石翠阜巔
阜前廣衍平如原元宮中央土冢起南偏土臺百尺攀山上
疊山山翠柏更前土臺稍東偏西塋置縣若守冢城在山內
灣猶寬風昌宇朗數百里靈棲宅寧半萬年帝繼義農三聖
作化闡陰陽萬生先宮室衣裳器用備甲子書契伶倫宣師
兵榮衛厥赫赫得姓十四今縣縣神道設教聖所以聖所不
語神無傳帝生十二始在位百年而崩葬橋山且戰且仙紛
世俗鑄鼎鑄鏡難更僕有之于神復何奇無之于聖非不足
老君汝祖尊太上元女道家托符籙帝生坊州近鄉里相度
羣臣實藏此皇古神人皆聖人自古聖人無不死羣山環拱
此神山一水循環此神水衣冠之葬誰謂然漢皇臨祭方求
仙東封西祀仙必得自爾不死當昇天區中靈域緬無二稽

首敬賦橋山篇

回自中部至宜君

軒后廟庭柏翠陰皇古年踟躕人已送躑躅馬休鞭短樹山
頭縣長城塞上天雖經米脂賊長養自炊烟

黃帝廟中古柏十餘
其一圍可三丈柯葉

交茂風傳
黃帝時物

宿金鎖關

百里兩崖壁幽花春二三高看時倒影晚度已重嵐戍冷迎
官住泉鳴引夢耽山郵足深致我僕也能談

山驛

山驛東風暖復寒使旌二月出長安蕭蕭金鎖關南返艷艷
丁香樹子看身被恩光行更遠老知春事得尤難

七旬

萬壽敷天慶巖谷幽姿總笑歡

題耀州紫藤花

翟道歸來問牡丹小橋流水足盤桓山城是月猶飄雪穀雨
今朝未放寒狂蔓紛垂寶瓔珞畫檐低覆曲闌干髣髴儘伴
天涯客著處丁寧欲別難

唐朱里

秦縣池陽谷唐陵白鹿原馬飢頻齧草鴉倦亦歸村客豈張
司業居非李氏園紫荊花下石綠映一叢萱

涇陽

長陵東以迥白水北其隈小市喧喧出石橋鎮荒墟寂寂回勳名
故物記戰鬪赫連臺瓠口春流駛咸陽落照開

渡涇

昔人事業總蒿萊
秦地興亡觸目哀
一夕嵯峨山下夢
曉風燈火渡涇來

渡渭

長陵突兀畢原通
渭水無情日向東
東內花開西內落
花飛南內見唐宮

霸陵

霸陵不治墳
陵號就水爲峰
起土無石霸
流環自回古
柏大數株其
一數十圍陵
戶亦種麥高
下成青陂瓦
器戒無飾民
力省不疲合
葬竇太后神
靈長在茲南
山拓下苑碧
落明丹曦翩
來鳳凰嘴白
鹿原逶迤南
陵薄太后近
在陵西涯于
東望吾子靜
夜神靈怡

杜陵